

**KUL-
TUR-
NOR-
TASU-
NA**



Oharrak:

Kulturaren industria eta komunikazioaren egiturak

Herri bat ez da eraikitzen historia soilaren gainean. Izaki bizi guztiak bezalaxe, etengabe eraldatzen ari da, behin eta berriz eraikitzen alegia. Ez da egunero zerotik abiatzen, lehendik sortutako oroimen historikoa, jendarteko egiturak (sozialak, politikoak, kulturalak eta mota askotakoak) eta beste zenbait osagai ditu, baina bere bilakaeran egoera berriei aurre egin behar die etengabe. Horretarako funtsezkoa du barne komunikazioa. Kulturarekin azaldu dugun modu berean, komunikazioa ere ezinbestekoa du herri batek bere burua berrezagutzeko, eta bere kide guztiak integratzeko. Zer esanik ez jendarteko aldaketak inoiz baino azkarragoak diren garai honetan.

Herri gisa garatzeko beraz, tresna funtsezkoak dira hedabide edo komunikabideak, bai eta kultura sortu eta hedatzeko tresna guztiak ere. Horregatik, komunikazio eta kultur eremu propioaz mintzatzean, zera azpimarratu nahi dugu: herri bezala iraun eta garatu nahi badugu, geure artean harremanetan jartzeko eremua behar dugu, elkarren berri izateko, jendarteko eztabaidarako, hizkuntza sendotzeko, komunitate zentzua emateko eremua alegia. Eremu hori, gaur egun, hedabideek eta kulturaren industriak osatzen dute, beraiek iritsi ahal baitira Euskal Herria osatzen dugun guztiongan.

Baina Euskal Herria oso urrun dago bere komunikazio eta kultur eremu propioa izatetik. Berriro ere, estatu nazioen ezarpenak komunikazio eremu estatu-nazionalak eratzea ekarri du azken bi mendeetan: hizkuntza bakarria ezarritik komunikazio eremua hizkuntza eremuarekin bateratu da; merkatu bakarria eta administrazio bakarria ezarritik komunikabideen eta kultur industrien sistema "nazionala" bultzatu du; eta abar. Estatuaren inguruan hedatutako komunikazio eremuek, hartara, Euskal Herria zatikatu egin dute bi eremu ezberdinetan; eta zati bakoitza eremu handiago batean integratu dute. Zertan da beraz balizko euskal komunikazio eta kultur eremua? Ikus dezagun sektorez sektore.

Kulturaren industria

Kulturaren industria, sorkuntzaren eta hedapenaren iturri bakarria ez den arren, estrategikoa da gaur egun edozein herriren garapenerako. Euskal Herrian kontsumitzen dugun era honetako kulturaren zati handi bat ez dugu geuk sortu: beste nonbaitetik etorria da. Gertaera hau zenbakitan erakusten zaila bada ere, badira zenbait estimazio partzial. Horien arabera, 1992an, EAEko kultur industrietan (zehazki liburugintza, diskogintza, prentsa, irratigintza, ikus-entzunezkoen eta publizitategintzako sektoreek) 468.789.441,42 euroko (78 miliardo pezeta) produkzioa izan zuten. Urte bere-

Oharrak:

Telebista

Arauketa

Telebistagintzaren arauketa administratiboa maila ezberdinetan banatzen da:

Europako Batasuna: helburu kulturalak (AEBtako nagusitasunaren aurrean produkzio europarra sendotu), politikoak (eremu publiko europarra eta europartasunaren kontzientzia sendotzea) eta ekonomikoak (ikus-entzunezko industria indartzea) aipatuz, kanpora begira nolabaiteko babes eta barrura begira liberalizazio handia planteatzen duten arauak garatu ditu azken urteetan. Hauek, mugatu egiten dute estatuen ahalmena politika propioa gauzatzeko garaian.

Estatuak: E.B.tik datozen mugak muga, oraindik ahalmen handiak dituzte ikus-entzunezkoen egituraketa antolatzeko: oinarritzko legegintza eta arauketa, bereziki. Telebista lizentzien banaketa, eremu digitalaren antolaketa, telebista lokalen legea, eta abar.

Instituzio autonomikoak: eskumen batzuk badituzte ere (irradi lizentzien esleipena, telebista lokalen arauketa zehatza, edota EA Eren kasuan medio propioak sortzeko ahalmen estatutarioa), behar baino gutxiago erabili izan dira (Katalunian ez bezala, adibidez).

Egitura

Bestalde, merkatuaren egiturari erreparatzen badiogu, hiru agente nagusi agertzen dira:

Estatuak, beren kanal propioekin: TVE1 eta TVE2, batetik, eta F2, F3, La 5ÈME eta ARTE, bestetik.

Komunikazio talde handiak: Prisa (Canal Plus), Vocento (Tele 5), Telefónica-Planeta (Antena 3), Espainia mailakoak; Bouyges (TF1), Suez Lyonnaise des Eaux (M6), Canal +, Frantzia mailakoak. Era berean, talde hauek lur azaleko ohiko telebista handietan duten presentziari, kable, satellite edo lur azaleko digitalean dutena gehitu behar zaie. Bestalde, talde hauetako batzuek apustu handia egin dute herri telebisten eremuan, eta egun dauden 50 kanaletatik dozena bat inguru talde handiei lotuta daude; gehienbat, gune estrategikoenetan daudenak (hiriburuak), populazioaren gehiengoarengana iristeko aukerarekin. Aipatzekoak dira bereziki Presa (Canal Bizkaia; Asto Nervión TV eta Canal Gasteiz, Araban; Localia Gipuzkoa, Mendaro TV eta Txingudi TB, Gipuzkoan; Canal 4, Nafarroan), eta Vocento (Alava 7, Bilbovisión, Teledonosti).

Administrazio autonomikoak: EiTB taldea.

Zabalpena

Euskal Herriko iparralderako daturik gabe, Hegoaldeko herrialdeetan honela banatzen dira telebisten audientzia orokorrak:

Oharrak:

Sare ezberdinen arteko elkarlana beharrezkoa da, bakoitzaren izaera ezberdinetatik abiatuz, Euskal Eskola proiektuaren aldeko bidean indarrak batzeko. Alabaina, sare banaketak ondorio ezkorrak ditu euskal eskolaren eraikuntzan. Bi sareen arteko merkatu-lehia euskal eskolaren proiektu komuna aurrera eramateko oztopo bilakatu da. Are gehiago, egunerokotasunean sortzen diren hika-mikek, elkarlana eta elkar ulermena zaildu egiten dute, euskal eskola eta euskal hezkuntza sistemaren erronkak topaleku indartsu gabe uzteraino.

Euskal Herriak bere hezkuntza diseinatu eta arautzeko aukerarik ez.

Sarreran aipatu bezala, Estatuaren hezkuntza sistemek beraien lege eta arauen arabera aritzera behartzen gaituzte. Honen adibide argia da azkeneko urteetan, hezkuntza sistemen berrantolaketaren testu inguruan indarrean jartzen ari diren lege ezberdinek Euskal Herrian duten eragina. Hegoaldeari dagokionean, Humanitateen dekretua, Lanbide Heziketen legea, LOCE eta LOUa dira hurbilenak. Euskal jendartearen gehiengoaren borondatearen kontra, lege horiek gure herrian ezartzen ari dira guk geuk euskal hezkuntza esparrua arautzeko eta diseinatzeko dugun aukera falta agerian utziz. Iparraldean berriz, edukiak egokiak diren edo ez eztabaidatu gabe, Hezkuntzarako deszentralizazio legea mahai gainean dago.

Beraz, edozein nazio normalizatuk duen hezkuntza garatzeko sistemaren osagaien jabe ez gara gurean: Euskal herritartasunean hezteko hezkuntzaren diseinua, irakasleria propioa, tresna pedagogiko propioak... Alor ezberdinetan aurrerapausoak eman baditugu, sektore ezberdinen borondatearen eta lanaren ondorioz izan da eta ez, hezkuntza sistemen aitortzarengatik. Hots, eskola esparruan eskuratu ditugun lorpenen motorea irakasleen, ikasleen, gurasoen eta ikas-tetxeen borondatea eta eguneroko lana izan dira.

Hezkuntza sistema eta euskalduntzea

Hezkuntza sistemak belaunaldi berriak euskalduntzeko tresna izan beharko lirateke, baina errealitateak bestelako argazki bat eskaintzen digu. Hezkuntza ereduetan oinarritutako politikek Hegoaldean eta frantziar estatuaren hezkuntza sistemak ezarritako euskararen aitortza ezak, belaunaldi berrien euskalduntzea eragotzi edo ukatu egiten dute.

MATRIKULAZIOAK

Eredua	Ikasleak	%
X/G (euskararik ez)	90.085	20,8
A (erdaraz, euskara ikasgai)	116.623	26,9
B (ele bitan)	71.660	16,5
D (euskaraz)	155.117	35,8

Datu orokorrek, ordea, errealitate konplexua ezkutatzten dute:

Alde handiak daude lurralde batetik bestera.

Adibidez, Gipuzkoako ikasle ez unibertsitarioen %61 D eredu dago, %14 A eredu dago, eta X/G eredurik ez dago; horren

Izan ere, inoiz baino argiago dago, gaur egun, euskara biziko bada botere politikoa behar duela bere atzean. Horixe erakusten digute euskararen egoeraren azterketa eta hausnarketa guztiek. Beste egoera batzuetatik ikasi dugu, ikasi, botere politikoa ez dela nahikoa hizkuntzaren normaltasuna bermatzeko (Irlanda, kasu); baina ezinbesteko osagaia da.

Euskarari Euskal Herriko lurralde ezberdinetan ematen zaizkion estatus juridiko ezberdinek oso joera ezberdinak sortu dituzte bere bilakaeran.

Oharrak:

EUSKAL HERRIKO 15 URTETIK GORAKO BIZTANLEEN SAILKAPENA

	Euskal Herria			EAE			Nafarroa Garaia			Iparraldea		
	2001	1991	aldea	2001	1991	aldea	2001	1991	aldea	2001	1991	aldea
lebidunak	25,4	22,3	3,1	29,4	24,1	5,3	10,3	9,5	0,8	24,7	33,1	- 8,4
Euskal elebidunak	7,1	7,7	- 0,6	8,3	8,5	- 0,2	3,5	3,9	- 0,4	5,3	8,4	- 3,1
Elebidun orekatuak	7,1	6,2	0,9	7,9	6,1	1,8	3,1	2,5	0,6	9,2	13,9	- 4,7
Erdal elebidunak	11,2	8,4	2,8	13,2	9,4	3,8	3,7	3,1	0,6	10,1	10,7	- 0,6
lebidun hartzaileak	10,6	7,7	2,9	11,4	8,5	2,9	6,6	4,6	2,0	11,9	7,1	4,8
rdaldun elebakarrak	64,1	70	- 5,9	59,2	67,4	- 8,2	83,1	85,9	- 2,8	63,4	59,8	3,6

turria: Soziolinguistikako Inkesta)

Oro har, Euskal Herriko biztanleen laurdenak (%25,4) elebidunak dira, eta beste %10,6 elebidun hartzaileak, beti ere 15 urtetik gorakoen artean. Banaketa, ordea, oso ezberdina da herrialde batetik bestera. Orotara, beraz, populazio honen barruan 634.000 lagun dira euskaraz mintzatzeko gai, eta beste 263.000 lagunek ulertu egiten dute euskara, nahiz eta egiteko gai ez diren. Beste 1.600.000 lagunek (hiru euskal herritarretik bik) ulertu ere ez dute egiten.

Lehenago esan dugunez, ofizialtasunarekiko estatus ezberdinduen ondorioz joera ezberdinak garatu dira lurralde ezberdinetan. Horrela, EAEn gora egin du euskararen ezaguerak azken hamar urtean, populazioaren %5,3 euskaldunentzat, eta beste %2,9 elebidun hartzaileentzat irabaziz. Honekin, irauli egin da XX. mendean zehar nagusi izan den beheranzko joera. Nafarroa Garaian berriz beheranzko joera gelditu egin dela dirudi, baina irabaziak oso txikiak dira. Iparraldeko herrialdeetan, berriz, galera nabarmena dago, azken hamar urtean elebidunen kopuruak nabarmen behera egin baitu (populazioaren %8,4 edo, bestela esanda, elebidunen laurdena).

Badirudi, beraz, euskara ofiziala izatea garrantzitsua izan dela, gutxienez, galera prozesuak geldiarazteko, eta eza-gueraren goranzko joerak eragiteko. Beste kontu bat da eza-guera berreskuratzeko erritmoen eta abiadaren inguruko eztabaida (alegia, zenbat denbora beharko litzatekeen erritmo honetan Euskal Herria euskalduntzeko, eta ea denbora hori planteagarria ote den). Belaunaldi berriei euskara bermatzearen aldetik, eskola eredu ezberdinak eta legedi ezberdinak tarte, helburua betetzetik oso urrun gaude. Egun, milaka dira euskaldundu gabe, eremu administratibo eta herrialde guztietan eskola garaia amaitzen duten haur eta gazteak. Eta urteroko matrikulazio datuek eta eskola ereduak euskara normaltze bidean jartzeko erakutsi duten ezintasunak errealitate berdina eraikitzen jarraitzen dute.

Oharrak:

Helduak euskalduntzeko egiturek krisi larria pairatzen dute. Eskola sistemaren lehen mailetan jarritako interesa helduen euskalduntze eta alfabetatzearekiko axolagabekeria bihurtu da. Euskal Herriko euskaltegien gain egonda helduenganako motibazioa sortzeko erantzukizuna eta helduak euskalduntzeko eta alfabetatzeko beharrezkoa den tresneria didaktikoa eta antolaketa garatzeko ardura.


Administrazioaren, lan munduaren, komunikabideen... finean jendarteko eta eguneroko bizitzaren atal nagusiak euskalduntzeko egin diren saio eskasek helduen euskalduntzea krisi larrian ezarri dute, euskararen berreskurapen prozesua estrategikoa den azpiegitura kolokan jarriaz.

Erabilera

Hizkuntza baten bizitzan, zenbat hiztun diren baino are garrantzitsuagoa da jendarteko zein funtzio eta eremutan erabiltzen den jakitea. Eta hemen agertzen dira nabarmenen ofizialtasunak izan dituen hutsuneak. Izan ere, ezaguerak gora egin arren (berezi euskara koofiziala den eremuetan), irabazi diren elebidun gehienek hobeto egiten dute erdaraz euskaraz baino, eta gehiago erabiltzen dute erdara euskara baino. Euskararen erabilerrari buruzko azterketek agerian uzten dute erabilera ez datorrela bat ezagueraren hazkundearekin. Hortaz, kasurik hoberenean (euskararen ezaguera gora doan lurraldeetan alegia), nominalki euskaldunen kopuruak handituz baina erabilerraren galerari aurre egin ezinik egon gintezke. Adibide bat: EAEko gazteen artean (16 urtetik 24ra bitarte) %70k ulertu egiten omen du euskara; baina sektore honetan hizkuntza giroa gazteleraren oso aldekoa da. Diglosiaren prozesuak, hartara, bere horretan dirauela dirudi.

Euskararen berreskurapenaren aldeko zenbait eragile-
ren arabera, hutsune honek zerikusi zuzena du EAEko admin-
istrazio autonomikoak euskararen normalkuntza prozesuan
zutabe nagusizat umeen euskalduntzea hartu izanarekin.
Honekin ezaguera handitzea lortu dela bistan da, baina eus-
kalduntutako horiek ez dira erabiltzaileen komunitatean inte-
gratu. Eskolan euskara ikastetik jendarteko arlo ezberdinetan
erabiltzerako urratsak eman gabe gelditu dira kasu askotan.
Arazoetako batzuk aipatzearen, honakoak ekar genitzake
gogora: eskola sistemaren lehenengo mailak euskalduntzeko
ahalegin handiak egin diren arren, maila gorenetan hutsune
nabarmenak egon dira (lanbide hezkuntzan eta unibertsitate-
an, kasu), euskara maila baterainoko hizkuntza bihurtu dela-
rik; euskarazko telebistak haurrak erakartzeari begiratu dio,
beste sektore batzuk ahaztuta; kultura eta komunikazioen
merkatuan euskarak duen presentzia txikia; lan munduko
normalkuntzan behar baino gutxiago aurreratu da; euskarak
ez du behar bezala aurrera egin jendarteko ospeari dagokio-
nez; hamarkadetan zehar euskalgintzako sektore ezberdinen
eta administrazioaren artean egon diren mesfidantza handiek
galarazi egin dute herri ekimenaren eta erakunde publikoen
lanaren arteko sinergiak garatzea (helduen euskalduntze eta
alfabetatzearen kasua, euskal prentsarena, eta beste gatazka
ugari aipa genitzake hemen). Arazo hauek ez diote laguntzen,
inondik inora, eskolak euskalduntzen dituen euskaldun
berrien integrazioari.

Euskararen erabilera horretarako dauden aukerekin



**nazio
eztabaida
gunea**